

M541B: Herbort von Fritzlar: 'Liet von Troye' (B)

0,13017 als der lewe danne tuot
0,13018 Achilles der helet guot
0,13019 der quam ûf sie gerant
0,13020 swie er den ritter vant
0,13021 zuo rosse oder zuo vuoze
0,13022 an state unde an muoze
0,13023 sluoc er slege über slege
0,13024 sie hetten kein gehege
0,13025 swaz er ir überzôch
0,13026 der iezuo hie disen vlôch
0,13027 der begunde wider mit jagen
0,13028 der disen jagete vüre einen zagen
0,13029 der wart selber gejaget
0,13030 sie wâren alle verzaget
0,13031 swaz ire küene was gewesen
0,13032 ir mohte lützel genesen
0,13033 swelichen er der recken
0,13034 mit sînen brûnen ecken
0,13035 iergen mohte erlangen
0,13036 des leben was ergangen
0,13037 waz ist diz sprach Troilus
0,13038 "wie vert dirre man sus
0,13039 er vert wole mit schalle
0,13040 wir vliehen einen alle
0,13041 wir müezen uns wole schamen
0,13042 daz wir hân ritters namen
0,13043 oder ie prîs gewonnen
0,13044 sît wir niet en kunnen
0,13045 einem manne widerstân
0,13046 mir ist leit daz ich den lîp hân
0,13047 unde in niet tar verliesen
0,13048 ich wil den tôt kieser
0,13049 oder ich behalte mîn êre
0,13050 der mîn vriunt sî der kêre"
0,13051 Troilus dâ kârte
0,13052 mit im die bastharte
0,13053 dô Achilles gewar wart
0,13054 daz er umbe was gekârt

0,13055 er ahte ez harte kleine
0,13056 unde kêrte im engeine
0,13057 sie underhiuwen sich
0,13058 harte ir iegelich
0,13059 dem andern widerstuont
0,13060 iedoch wart er êr gewundet
0,13061 der es minner angest hæte
0,13062 daz was Achilles der dræte
0,13063 im wart ein soliche wunde
0,13064 daz er niet en kunde
0,13065 in dem strîte belîben
0,13066 wær er von tûsent lîben
0,13067 sîn wunde was sô grôz
0,13068 daz bluot im ouch sô nider gôz
0,13069 daz er zuo den zîten
0,13070 dannen muoste rîten
0,13071 ez was ouch an der vesperzît
0,13072 sie kêrten heim beidersît
0,13073 siben tage die≈wîle er vaht
0,13074 von dem morgene biz an die naht
0,13075 alle zît unde alle wîs
0,13076 bezalte Troilus den prîs
0,13077 unde mit im die ûz der stat
0,13078 die tôten wurden bestatet
0,13079 unde geruoweten ire lid[e]
0,13080 man nam von beidersît vride
0,13081 dô heil«e»ten sîne wunden
0,13082 Achilles in den stunden
0,13083 dô Priamus hette vernomen
0,13084 daz Achilles was zuo strîte komen
0,13085 dô schuldigete er Ecubam
0,13086 wande sie Polixenam
0,13087 ime gelobet hæte
0,13088 “Achilles ist unstæte”
0,13089 sprach er zornliche
0,13090 “sô mir got der rîche
0,13091 sîn gelübede ist ein wint
0,13092 wir hetten selber unser kint
0,13093 vile nâhe verrâten”
0,13094 vile manige rede sie tâten
0,13095 beide vore unde vort
0,13096 Polixena hette erhôrt
0,13097 daz Achilles was gewundet
0,13098 alsô schiere sie ez entstuont
0,13099 dô sprach sie harte stille
0,13100 “got genâde hêrren Achille
0,13101 mir muoz wole umbe in leit wesen
0,13102 mohte der hêrre genesen

0,13103 ich wolte in gerne liep hân
0,13104 er ist hövisch unde wolgetân
0,13105 vore andern rittern ûzerkoren
0,13106 rîche unde wolgeboren
0,13107 ein harte küene starc man”
0,13108 einen boten sie gewan
0,13109 deme hêrren sie entbôt
0,13110 ir wære leit umbe sîne nôt
0,13111 dô er die boteschaft vernam
0,13112 drîvaltîc leit in an quam
0,13113 umbe sîne wunden daz was ein
0,13114 daz ander daz er des tages erschein
0,13115 zuo strîte unde zuo vehte
0,13116 wider sînem rehte
0,13117 die dritte was im wider komen
0,13118 von der ir vore hât vernomen
0,13119 daz was umbe die minne
0,13120 daz im die kûninginne
0,13121 boten hette gesant
0,13122 die boteschaft überwant
0,13123 die andern swære
0,13124 im half daz liebe mære
0,13125 daz er schiere genas
0,13126 von dem er wunt worden was
0,13127 dem dröuwete er an dem lîbe ie
0,13128 swer mich ûz dem werren hier
0,13129 kunde bescheiden
0,13130 von den drîn leiden
0,13131 unde von der liebe dâr mite
0,13132 unde ouch von dem unsite
0,13133 daz er dem dröuwete zuo dem lîbe
0,13134 des swester er zuo wîbe
0,13135 harte gerne hæte
0,13136 swer ez wiste oder tæte
0,13137 der wær wîser danne ich
0,13138 doch versinne ich mich
0,13139 biz ich ez gelerne
0,13140 sô / berihte ich es iuch gerne
0,13141 iezuo was die stunde
0,13142 daz in begunde
0,13143 der unvrîde nâhen
0,13144 êr sie den tac gesæhen
0,13145 daz sie zuo velde solten
0,13146 sie en mohten noch en wolten
0,13147 langer niet beiten
0,13148 sie begunden sich reiten
0,13149 Achilles die sîne scharte
0,13150 er wîsete sie unde lârt

0,13151 als sie zuo ringe quæmen
0,13152 daz sie Troilus war næmen
0,13153 alsus er zuo den sînen sprach
0,13154 wande im sîn zorn sêre wac
0,13155 “mîn sêle von mir scheide
0,13156 ich en getuo im alsô leide
0,13157 als er mir hât getân
0,13158 mich en triege mîn wân
0,13159 ich toete in oder er mich”
0,13160 zuo velde huoben sie sich
0,13161 dâ stuben schefte unde klungen swert
0,13162 unde liefen ros unde pfert
0,13163 die dâr ûfe sâzen
0,13164 die hetten sich gelâzen
0,13165 zuo tôde unde zuo lîbe
0,13166 dâr nâch daz die schîbe
0,13167 des gelückes löufet unde gêt
0,13168 unde übervert unde entstêt
0,13169 nâch gelücke unde nâch heile
0,13170 dô vuorte sînen lîp veile
0,13171 Troilus allen tac
0,13172 entvienc unde gap manigen slac
0,13173 dô widerreit im Achilles
0,13174 den wunderte wie unde wes
0,13175 im wær zuo muote
0,13176 daz er âne huote
0,13177 im sô dicke widerreit
0,13178 ez dûhte in ein unwîsheit
0,13179 er reit ûf in jener hielt in hart
0,13180 von ir wederem geboten en wart
0,13181 bezzerunge noch unschult
0,13182 sie riten mit ungedult
0,13183 ir wederer dem andern engegen
0,13184 mit vile ungevüegen slegen
0,13185 der harte stahel dâ erklanc
0,13186 daz viur nâch deme slage ûz spranc
0,13187 unde der halsberc zerreiz
0,13188 unde daz bluot unt der sweiz
0,13189 vliezen begunde
0,13190 ein harte übel stunde
0,13191 in beiden samet entstuont
0,13192 sie wurden sêre gewundet
0,13193 Achilles hette die kraft
0,13194 dâ im der helm mite was gehaft
0,13195 die riemen er im gar zerschriet
0,13196 des en mohte Troilus niet
0,13197 des helmes enthalten
0,13198 des wart im zerspalten

0,13199 sîn houbet mitten enzwei
0,13200 dâ wart beidersît geschrei
0,13201 die Kriechen mit schalle
0,13202 die andern von dem valle
0,13203 wande Troilus erslagen was
0,13204 er viel tôt ûf daz gras
0,13205 aller zerhouwen
0,13206 des schrieten die vrouwen
0,13207 oben ûf der zinnen
0,13208 unde die dâ sâzen enbinnen
0,13209 durch warten unde durch kapfen
0,13210 biben zane klaffen
0,13211 klage sorge swære
0,13212 jâmerlîch gebære
0,13213 hetten sie in der stat al
0,13214 andersît vröuwede unde schal
0,13215 Achilles durch unwerde
0,13216 hiez in einem pferde
0,13217 zuo dem zagel binden
0,13218 als ich geschriben vinden
0,13219 der in sînem pferde zuo dem zagel bant
0,13220 der was Kalo genant
0,13221 dô schrei allez daz dâ was
0,13222 Parîs unde Eneas
0,13223 Polidamas unde Mennon
0,13224 Priamus von Ilion
0,13225 unde sîn wîp unde sîne kint
0,13226 mohten weinenes werden blint
0,13227 Mennon der küninc von Persiâ
0,13228 der volgete mit den sînen nâch
0,13229 ûf Kalonem er hurte
0,13230 der in an dem pferde vuorte
0,13231 er sprach dâ er in überreit
0,13232 “Kalo mir ist harte leit
0,13233 daz ir in disem lande
0,13234 uns sus getâne schande
0,13235 an unserem vriunde entboten hât
0,13236 ich wæne ir mir es ein pfant lât”
0,13237 als er daz wort sprach
0,13238 gein dem rücke er in in stach
0,13239 durch den bûch ûz andersît
0,13240 dâ huop sich ein niuwe strît
0,13241 Achilles rante aber dar
0,13242 Mennon mit sîner schar
0,13243 Troilum in werte
0,13244 sô daz er in bewerte
0,13245 grôz arbeit er des gewan
0,13246 dâ verlôs Achilles manigen man

0,13247 unde wart ouch selber gewundet
0,13248 der strît eine wochen stuont
0,13249 daz sie nahtes nie gelâgen
0,13250 noch tages ruowe niet en pflâgen
0,13251 Achilles hette grôzen zorn
0,13252 daz er Kalonem hette verloren
0,13253 [den] [Mennon] [hette] [erslagen]
0,13254 er begunde ez sînem volke klagen
0,13255 sîne ritter er bat
0,13256 daz sie ûf der walstat
0,13257 sîn war næmen
0,13258 als sie zuo strîte quæmen
0,13259 daz er bat daz gewart
0,13260 dô sie zuo strîte wâren gekârt
0,13261 unde Mennon ûf daz velt quam
0,13262 Achilles sîn war nam
0,13263 unde beringete in ûf dem ringe
0,13264 êr der strît ergienge
0,13265 unde zuo ende quæme der tac
0,13266 Mennon dâ erslagen lac
0,13267 Achilles sluoc in dâr nider
0,13268 weder êr noch sider
0,13269 wart grôzer riuwe
0,13270 der hêrre was getriuwe
0,13271 küene zuo schilde
0,13272 rîche unde milte
0,13273 unde von edeler geburt
0,13274 sîn tât unde sîne wort
0,13275 quâmen ie zuo êren
0,13276 sînen vriunden swâ sie wæren
0,13277 daz er tât wart beratt
0,13278 dâ wart gerant unde getrat
0,13279 unde geruofen unde geschrît
0,13280 Achilles hæte in zerschîtet
0,13281 wole in hundert stücke
0,13282 durch sîn ungelücke
0,13283 quam zuo strîte Parîs
0,13284 unde Philemenis
0,13285 Phion unde Esdras
0,13286 Eneas unde Polidamas
0,13287 gein in Diomedes
0,13288 Menelaus unde Ulixes
0,13289 Ajax unde Thelamon
0,13290 unde Agomennon
0,14379 sie en wiste daz er erslagen
0,14380 vore manigem jâre lac
0,14381 dô si ez vernam sie erschrac
0,14382 dô sante die vrouwe

0,14383 mit vlêhe unt mit drouwe
0,14384 nâch iren wîben allen
0,14385 daz Parîs was ervallen
0,14386 dô ir daz wart gesaget
0,14387 dô muoste wîp unt maget
0,14388 sweren eine hervart
0,14389 als ir daz gesaget wart
0,14390 daz Troilus ouch was tôt
0,14391 über al ire lant sie gebôt
0,14392 swelich wîp
0,14393 erheben mohte ein swert
0,14394 daz sie vüere zuo Trôje wert
0,14395 als nochdant
0,14396 Deiphebus tôt ervant
0,14397 dô en was dâ beitenes niet
0,14398 ûz ireme lande sie schiet
0,14399 harte wole werhaft
0,14400 unde vuor mit einer grôzen kraft
0,14401 mit einem michelem wîbes her
0,14402 zuo helfe unde zuo gewer
0,14403 den zuo Trôje inne
0,14404 des wart die kûninginne
0,14405 vrouwe Pendesilea
0,14406 harte wole entvangen dâ
0,14407 mit andern iren vrouwen
0,14408 swer wunder wolte schouwen
0,14409 der mohte sehen wunder
0,14410 kein wîp was dâr under
0,14411 sie wær sô wole gar
0,14412 daz in ritterlîcher schar
0,14413 noch nie kein man
0,14414 schoener harnasch gewan
0,14415 dô sie quam in die stat
0,14416 die vrouwe Priamum bat
0,14417 daz er sich rihtte in den strît
0,14418 sie sprach “nû Hector tôt lît
0,14419 nû en hoeret anders niet dâr zuo
0,14420 wan ritter / gelîch sîn kolzen schuohe
0,14421 helm ûf houbet halsberc an
0,14422 reitet iuch balde ir manne
0,14423 wir wîp sîn gereitet
0,14424 mir ist Hectoris tôt leit
0,14425 wir müezen ûf daz gevilde”
0,14426 an irem wîzen schilde
0,14427 was ein güldîn rant
0,14428 ouch man dâr ane vant
0,14429 edel gesteine
0,14430 grôz unde kleine

0,14431 ich en weiz waz ich mê spreche
0,14432 wan sie was wole zuo gereche
0,14433 unde ire wîp alle
0,14434 zuo ruome unde zuo schalle
0,14435 dô reitte sich Philomenis
0,14436 zuo strîte wole in alle wîs
0,14437 dô er was bereite
0,14438 dô wart er ire geleite
0,14439 rehte biz an daz burctor
0,14440 dâ die Kriechen lâgen vore
0,14441 Dardanides hiez die porte
0,14442 dô der Kriechen volc gehôrte
0,14443 daz sie ûf tâten
0,14444 sumelîche dâr vûre trâten
0,14445 sumelîche zuo rosse sprungen
0,14446 dâ wart gedrunge
0,14447 mit grôzer unminne
0,14448 die dâ wâr in inne
0,14449 gerne sie ûz wolten
0,14450 die dâr ûze wesen solten
0,14451 die wolten gerne dâr in
0,14452 des wart gezoc under in
0,14453 der quam ûz hin ein teil
0,14454 sumelîchen geschach dâ heil
0,14455 sumelîchen unsælicheit
0,14456 daz kriechische volc sic streit
0,14457 unt bezalte dâ den prîs
0,14458 der küene Philomenis
0,14459 der was ûz der stat kumen
0,14460 der hette grôzen schaden genomen
0,14461 wen daz im Polidamas
0,14462 zuo guoten staten bî was
0,14463 Polidamas sluoc umbe sich
0,14464 unde sîner gesellen ir iegelich
0,14465 einen küninc er nider sluoc
0,14466 der ire banier truoc
0,14467 den erkanten die von Trôje
0,14468 unde die von Pafagôje
0,14469 die wâren mit Philomêne
0,14470 ez was joch unwæne
0,14471 die Kriechen en solten kêren
0,14472 zuo der vluht mit unêren
0,14473 ir was ouch ein teil gekârt
0,14474 iedoch in des trôst wart
0,14475 Diomedes zuo / reit
0,14476 unt Menesteus der helet gemeit
0,14477 Ulixes unde Agomennon
0,14478 Ajax unde Thelamon

0,14479 quâmen sô zuo geruort
0,14480 als sie dar gevuort
0,14481 der starke wint hette
0,14482 ire gesellen ungeræte
0,14483 wandelte sich schiere
0,14484 sie triben die Trôiere
0,14485 rehte ûf die graft
0,14486 wan die inner kraft
0,14487 geschütze unt steine
0,14488 ir wær genesen kleine
0,14489 ez riten under des
0,14490 die vrouwen Amazones
0,14491 von Amazonienlande
0,14492 ez en dûhte enhein schande
0,14493 als ez hier zuo lande wære
0,14494 daz sie mit ungebære
0,14495 mit schilden unde mit swerten
0,14496 starkes sturmes gerten
0,14497 sie en kunden hier niet dâr mite
0,14498 sît ez aber dô was site
0,14499 sie begiengen die site dâ alsô
0,14500 daz sie es alle wurden unvrô
0,14501 die vore manigen jâren
0,14502 zuo strîte gewesen wâren
0,14503 sie volgeten ir vrouwen
0,14504 unde giengen vaste houwen
0,14505 swâ ire vrouwen ros spranc
0,14506 ire gereite als vol schellen klanc
0,14507 unde ander ire gesmîde
0,14508 mit zorne unde mit nîde
0,14509 Diomedes sie bestuont
0,14510 des wart er sêre gewundet
0,14511 dâr umbe zurnete Thelamon
0,14512 er sprach "ich bin ungewon
0,14513 daz ein wîp einen man
0,14514 mit sper unde mit schilde rîte an
0,14515 unde gezæme vile baz
0,14516 op ir zuo mannen hettet haz
0,14517 daz ir ez anders an in ræchet
0,14518 danne ir in mit spere stæchet"
0,14519 des quam er ûf sie gevlogen
0,14520 unde begreif sie mit dem satelbogen
0,14521 unde wolte sie nider ziehen
0,14522 "ir müget mir niet entvliehen
0,14523 daz iuwer der tiuvel walte
0,14524 nû gebet daz swert balde"
0,14525 sie sprach "ir heischet mîn swert
0,14526 des werdet ir harte wole gewert"

0,14527 sie sluoc mit dem swerte dar
0,14528 daz er viel under die schar
0,14529 dâ wart er geslagen unde getrat
0,14530 doch wart er kûme berat
0,14531 unde êr er quæme dannen
0,14532 sô geschach sînen mannen
0,14533 unde im schade sô grôz
0,14534 daz ez alle die verdrôz
0,14535 die den hêrren solten retten
0,14536 man mohte in dem bluote weten
0,14537 sô vile hette sie erslagen
0,14538 ire wîp begunden zuo jagen
0,14539 die Kriechen wichen in vore
0,14540 dâ wart Hector
0,14541 gerochen von wîben
0,14542 swer ez solte schrîben
0,14543 er quæme es niemer zuo ende
0,14544 sie besprengeten ire hende
0,14545 mit zornigem muote
0,14546 in der Kriechen bluote
0,14547 der Kriechen lac dâ vile erslagen
0,14548 sie solten vile nâhe erzagen
0,14549 wande sie hetten enhein hege
0,14550 sie kunden ire slege
0,14551 langer niet erlîden
0,14552 sie vlugen in ire hamîden
0,14553 dâ wurden sie ûz gejaget
0,14554 beide wîp unde maget
0,14555 sluogen swaz sie ir begriffen
0,14556 jene vlugen zuo den schiffen
0,14557 die vrouwen volgeten in nâch
0,14558 unde tâten in einen schâch
0,14559 ûf unde nider umbe den stat
0,14560 sie wârn vile nâhe worden mat
0,14561 dâ en mohte der vuozenge
0,14562 genesen die lenge
0,14563 sich en kunden die alten
0,14564 niergen behalten
0,14565 die schif sie in verbranten
0,14566 swaz sie ir beranten
0,14567 die ritter mohten niet genesen
0,14568 der küene wær mat gewesen
0,14569 wan daz er vaste vore vlôch
0,14570 swâ die kûninginne nâch zôch
0,14571 von den schiffen biz an die gezelt
0,14572 dâ en was enhein velt
0,14573 ez en wære von warte vol
0,14574 wan daz er die zûge kunde wole

0,14575 er müeste mat sîn beliben
0,14576 hette die naht ouch niet vertriben
0,14577 die küniginne dannen
0,14578 im unde sînen mannen
0,14579 wær zergangen die maht
0,14580 dô gehalf im die naht
0,14581 der sie von dem schâche treip
0,14582 daz er ûf dem velde beleip
0,14583 dô sie dannen schieden
0,14584 brâten unde sieden
0,14585 Priamus harte vile hiez
0,14586 den vrouwen er bereiten liez
0,14587 beide wilt unde zam
0,14588 dô die vrouwe in die stat quam
0,14589 er pflac ir zuo danke
0,14590 mit âze unde mit tranke
0,14591 er vuorte ouch mit minnen
0,14592 ire gesellinnen
0,14593 die wîchaften Amazones
0,14594 und genâdete in des
0,14595 daz sie mit êrn
0,14596 zuo velde gewesen wærn
0,14597 die Kriechen wâren sô entân
0,14598 sie en wisten waz an gân
0,14599 doch was ez alsô wæhe
0,14600 daz man balde sæhe
0,14601 waz man tuon mohte
0,14602 als man ez vûre zuhte
0,14603 sie quâmen an ire alte behalt
0,14604 dâ was die hertstat kalt
0,14605 unde die spîse dünne
0,14606 man gewünne swaz man gewünne
0,14607 oder tæte swaz man tæte
0,14608 sô was dâ ungeræte
0,14609 gemaches in ein / wênic geschach
0,14610 sie hetten in der stat gemach
0,14611 an dem andern tage vruo
0,14612 die wîp reiten sich aber zuo
0,14613 unde vunden gein morgene
0,14614 die Kriechen mit sorgen
0,14615 dannoch in dem gezelte
0,14616 unde ladeten sie zuo velde
0,14617 dô geschach in dem tage
0,14618 rehte als grôz klage
0,14619 als in vore geschehen was
0,14620 des tages ir wênic genas
0,14621 an dem dritten tage alsame
0,14622 von wîben manic mannesname

0,14623 an dem tage tât lac
0,14624 dô ergangen was der tac
0,14625 unde velt unde gras
0,14626 von rittern allez vol was
0,14627 tât gewundet unde lam
0,14628 den Kriechen eine boteschaft quam
0,14629 des wart gevröuwet ire muot
0,14630 wande die boteschaft was in guot
0,14631 daz mit sînen schiffen
0,14632 den stat hette begriffen
0,14633 der küninc Menelaus
0,14634 unde mit im Pirrus
0,14635 hêrren Achilles sun
0,14636 des vröuwete sich Agomennon
0,14637 unde daz her algemeine
0,14638 unde riten im engeine
0,14639 die hêrren sie entviengen
0,14640 mit allen den dingen
0,14641 daz der nihtes gebrast